

Құттықтау хат!

Құрметті, Қорқыт ата атындағы Қызылорда университетінің ұжымы!

Қадірлі, Бейбіткүл Сәрсемханқызы!

Сіздерді, 85 жылдық мерейтоймен шын жүректен құттықтаймын!

Құрылғанына 85 жыл толып отырған Қорқыт ата атындағы Қызылорда университетінің шежіресі ел тарихымен сабақтас. Іргесін 1937 жылы қалаған оқу орны Қиыр Шығыстан Қызылордаға корейлермен бірге көшіп келген Корей педагогикалық институтының негізінде қаланғаны тарихтан белгілі.

Сол кезеңде Қазақстанның оңтүстік өңірлерінде мұғалімдер даярлайтын оқу орындары болмағандықтан, Қызылорда педагогикалық институтының ашылуының тарихи маңызы зор болғанын білеміз.

Өңірлер арасында Қорқыт ата атындағы Қызылорда университеті мен М.Х.Дулати атындағы Тараз өңірлік университетін де байланыстырып тұрған осындай ортақ тарихы бар.

Қызылорда университеттің бастауында тұрған тағы бір жоғары оқу орны – 1976 жылғы 13 шілдеде ашылған Жамбыл гидромелиоративтік-құрылыс институтының Қызылорда филиалы екенін мақтанышпен айтамыз. Бұл екі оқу орнының ортасындағы әріптестік байланысты нығайта түсетін тарихи дерек.

Филиал 1990 жылғы Қызылорда агроөнеркәсіп өндірісі инженерлері институты болып қайта құрылып, оған 1992 жылы атақты күрішші, Мемлекеттік сыйлықтың лауреаты, екі дүркін Социалистік Еңбек Ері Ыбырай Жақаевтың есімі берілді.

1998 жылғы Қорқыт Ата атындағы Қызылорда гуманитарлық университеті мен Ы.Жақаев атындағы Қызылорда политехникалық институты бірігіп, бүгін осы өңірдегі ең ірі оқу орнына айналып отыр.

85 жылдық тарихында Қорқыт ата атындағы Қызылорда университеті мамандар даярлауда жақсы көрсеткіштерге қол жеткізіп келеді. Бүгінде білім ордасының түлектері еліміздің түкпір-түкпірінде әр салада қызмет атқарып жүргені – соның дәлелі. Есімдері ел аузында жүрген Қазақстан Республикасы Парламентінің депутаттары, мемлекет және қоғам қайраткерлері, Қазақстанның Еңбек Ері, Мемлекеттік сыйлықтың лауреаттары, өнер және мәдениет майталмандары, ғылым мен спорт саңлақтары – осы университеттің табысты түлектері!

Құрметті, университет ұжымы! Сіздердің атаулы дата – 85 жылдық мерейтойларыңызбен тағы да құттықтай отырып, ертең ел экономикасын еселейтін кадрларды даярлау жолындағы еңбектеріңіз жемісті болсын дегім келеді! Жұмыстарыңыз нәтижелі, тәрбиелеп шығарған шәкірттеріңіз табысты болсын!

Ізгі тілекпен,
М.Х.Дулати атындағы
Тараз өңірлік университетінің
Басқарма төрағасы - Ректоры

Мұхтар Байжұманов